

**S**

Afl. 1.25

**LO**

BRIYANDO FUERTE • TRECIENDO CLARIDAD  
DIASABRA 3 MAY 2025

*Di Pueblo*

**BUCUTI & TARA BEACH RESORT TA MARCA HISTORIA COMO E DI 5 MIHOR HOTEL NA MUNDO Y E HOTEL NO. 1 DI CARIBE RIBA TRIPADVISOR**



**WWW.SOLODIPUEBLO.COM**



**SOLODIPUEBLO@GMAIL.COM**

# **ATIA Y GOBIERNO RIBA MESUN LIÑA PA BIN CU DIALOGO NACIONAL**

**Duna Cesar loke ta di Cesar:  
MANEHO DI GABINETE  
WEVER CROES TE AWE TA  
COSECHANDO SU FRUTONAN**



E prome ta cu nos pensionadonan ya no mester paga pa remedi mas, un decision cu Gabinete Wever Croes a tuma 13 di december 2024.



**GERLIEN  
TA HUNGA  
TINKER  
BELL:**

**NO KIER  
MADURA NI TUMA  
RESPONSABILIDAD**

**Parlamentario Shailiny  
Tromp-Lee:**

**DANKI GABINETE  
WEVER-CROES  
PA CUMPLI CU MI  
MOCION PA EXCLUI  
PENSIONADONAN DI  
PAGA PA REMEDI**

**ARUBA WASTEWATER  
SUSTAINABLE SOLUTIONS N.V.  
(AWSS) A ENTREGA KEHO NA  
POLIS PA SABOTAHE**





# ARUBA BANK TA DUNA SOSTEN NA MIND MATTERS CONFERENCE 2025



Oranjestad, Aruba, 30 di april 2025 – Aruba Bank ta honra pa presenta hunto cu Fundacion Anti Droga Aruba (FADA) y Piso Tres den representacion oficial di Mind Matters Conference 2025, un evento cu ta pone bienestar mental y emocional na prome lugar

den nos comunidad.

Segun Sra. Edseline Leer - Semeleer, Head of Retail Banking di Aruba Bank: "Ta un gran honor pa Aruba Bank pa duna sosten na un iniciativa cu ta toca nos curason. Nos ta kere cu bienestar

mental y emocional ta mesun importante cu e estabilidad financiero. Un mente saludabel ta fundamental pa nos crecimiento personal, profesional y financiero."

E tema di e conferencia di e aña aki, "Note to Myself – We Need to Talk", ta un yamada fuerte pa cada persona den nos comunidad. E ta recorda nos cu cuida nos salud mental no ta un luho, pero un necesidad esencial.

"Nos ta reconoce cu Mind Matters ta yena un espacio



vital den nos comunidad, y ta duna voz na topiconan cu hopi biaha ta keda sin atencion. Nos participacion den e conferencia ta un muestra claro di nos compromiso continuo pa reforsa bienestar y empatia den comunidad, como parti integral di nos pilar

"WE CARE"., Edseline a comparti.

Aruba Bank ta invita comunidad pa participa den e conferencia di Mind Matters 2025.

## Prome Minister Mike Eman: GABINETE AVP-FUTURO TA DUNA PUEBLO SU REMEDINAN BEK!



Durante un conferencia di prensa, Prome Minister di Aruba, mr. Mike Eman den compania di Minister di Salud Publico drs. Mervin Wyatt-Ras y Director di AZV ir. Edwin Jacobs, a anuncia un logro crucial cu ta demonstra e compromiso firme di Gabinete AVP-FUTURO cu bienestar di pueblo. Entrante prome di mei, mayoria di e remedinan esencial

ta haya bek sin gasto alguno. Esaki ta un alivio pa pueblo cu ya no mester paga mas pa remedi.

E decision irresponsabel tuma pa gobierno anterior pa corta 60 milyon florin den cuidio medico, a laga henter pueblo sinti e efecto. Remedi esencial no tabata cubri mas pa AZV, y hopi hende, particularmente esnan

mas vulnerabel, a haya nan forsa pa scoge entre nan salud y otro gastonan cu nan tin. Hopi ta esnan cu na momento di busca remedi na botica ta haya nan mes confronta cu cobranza pa paga, mirando cu AZV a stop di cubri un cantidad di remedi, cual tabata crea sentimentonan di desesperacion, impotencia y frustracion.

Pero den apenas un luna despues di huramentacion, Gabinete AVP-FUTURO, den cooperacion estrecho cu AZV, a cumpli cu un promesa: trece bek remedi pa pueblo. Esaki ta un paso firme den direccion di empatia, liderato cu curason, y gobernacion cu ta pone pueblo prome.

Prome Minister Eman a referi cu orguyo na e lucha historico di su ruman homber, ex-Prome Minister Henny Eman dfm, pa

funda AZV – un institucion cu awe ta un pilar vital den sistema di cuidio medico na Aruba. Prome Minister a enfatisa cu hopi hende no ta realisa e gran bendicion cu nos tin pa tin un cobertura medico cu por yega te den exterior, sin costo adicional pa e pashent. Prome Minister Eman a duna un testimonio personal, den caso di su casa Doina, cu mester a haya cuidio specialisa tanto na Aruba y na Colombia, cu AZV a cubri sin restriccion, y a enfatisa cu esaki ta un derecho cu cada ciudadano mester por sigui conta riba dje. Finalmente, Prome Minister a gradici ir. Edwin Jacobs, Director di AZV, y tur miembro di e organo ehecutivo aki pa nan dedicacion y profesionalismo pa trece cambio den e lista positivo di remedi cu AZV.



# Duna Cesar loke ta di Cesar: MANEHO DI GABINETE WEVER CROES TE AWE TA COSECHANDO SU FRUTONAN

## E siman aki a conoce dos bon noticia pa nos grandinan

E prome ta cu nos pensionadonan ya no mester paga pa remedio mas, un decision cu Gabinete Wever Croes a tuma 13 di december 2024.

Pa por a haci esaki mester a percura pa estabilisa y fortifica e situacion financiero di AZV. Despues di a hiba un maneho financiero responsabel, cu a hiba Aruba den surplus mientras cu a herede na borde di un bancarota, MEP a anuncia aña pasa cu lo introduci e exoneracion di pago pa remedinan pa nos pensionadonan cual promesa MEP a cumpli cu ne december 2024. Desde 1 di mei nos pensionadonan no mester paga pa remedio mas.

E di dos bon noticia pa nos pensionadonan ta e AWG 250 adicional cu e pensionadonan a ricibi e luna aki. Esaki tabata posibel danki unicamente na e maneho financiero responsabel di Gabinete Wever Croes, lagando un surplus di 500 miyon florin den caha di Gobierno. Ta bon pa recorda cu tempo cu MEP a drenta Gobierno na 2017, a encontra solamente 50 miyon florin den caha cual no tabata yega ni pa paga salario di e ambtenaarnan.

Awe nos ta tende Lider di AVP, Mike Eman ta broma cu e no por a duna e 700

na nos pensionadonan pasobra cu presupuesto di Gabinete Wever Croes lo no ta dun'e espacio. Pa cuminsa Mike Eman a haci un promesa falso durante campaña cu ta wordo categorisa como K I E Z E R S B E D R O G, gañamento di campaña. El a tira un mentira den laira sperando cu e lo pega cu e unico meta: gana eleccion. Despues cu el a bin realisa cu e no por cumpli cu e engaño aki, awe kier culpa MEP? Facil no? Sconde tras di MEP, cu ta otro mentira flagrante mas. Pero e modus operandi aki di Mike Eman nos conoce caba y p'esey nos ta expone su mentira pa pueblo haya sa e berdad.

MEP na un forma responsabel a aumenta pension durante Gabinete Wever Croes cu un total di 400 florin. Tempo cu MEP a drenta Gobierno na 2017, pension pa nos grandinan tabata meramente 950 florin. Awe nos por mira cu danki na Gabinete Wever Croes/MEP gradualmente a aumenta esaki pa tur pensionado sea soltero of casa.

Cu AVP por a duna nos pensionadonan e aumento di AWG 250 ta danki na e maneho responsabel di MEP. Pasobra si AVP a hereda un caha di gobierno bashi, manera cu MEP si a hereda di AVP, ni e 250

Mike Eman lo por a cumpli cu ne.

MEP ta sumamente orguyoso cu nos pueblo awe ainda, ta cosechando di e maneho financiero responsabel di nos gobierno cu a sa di rescata Aruba for di un posibel bancarota hereda di AVP, cu a pesar di e pandemia di COVID, a percura pa tur famia aki na Aruba por tabatin un entrada pa pone pan riba mesa. Y despues di tur esaki, a sa di saca Aruba for di un pandemia pa e pais nr 1 den region di



recuperacion economico y financiero.

MEP ta sumamente

orguyoso di e logro aki pasobra durante MEP, nos pais a conoce tranquilidad, estabilidad y prosperidad.

### *The Aruba Ports Authority N.V. is publicly tendering:* **Installation of Two Bollards at India Quay, Port of Oranjestad.**

According to the tender document: CAPEX PROJECT APA-PFAU-2-25

#### Short Project Description

The project consists of the following activities:

- The removing of an existing bollard.
- The supply and installation of 2 pieces of 1500kN bollards at India quay at the port of Oranjestad.
- Supply and installation of a steel cage for each bollard.
- Demolishing of the old "havenkantoor".
- Relocation of the leading light.
- Restoring of the pavement around the new bollards.

The tender documents will be available for purchase from **May 5, 2025, up to May 9, 2025 until 4:30 pm local time**, via email [tender@arubaports.com](mailto:tender@arubaports.com) against payment of **Afl. 500.00**.

The request for the tender documents must include proof of transfer in the requesting e-mail. Note that the **cut-off time** for receipt of request and proof of transfer is **May 9, 2025, at 4:30 pm local time**.

#### Bank Account Information:

**Beneficiary:** Aruba Ports Authority N.V.

**CMB:** 15267105 | **Aruba Bank:** 128710 | **RBC:** 7700000030549428

**Description/Reference:** RFP APA-PFAU-2-25

For additional details of this tender, visit  
<https://www.arubaports.com/main/installation-2-bollards-quay-i/>  
or scan this QR code.





# Parlamentario Shailiny Tromp-Lee: DANKI GABINETE WEVER-CROES PA CUMPLI CU MI MOCION PA EXCLUI PENSIONADONAN DI PAGA PA REMEDI

STATEN VAN ARUBA STEMMING			
AGENDAPUNT: Ontwerp-landovereenkomst tot wijziging van de Landovereenkomst van 20 december 2023 tot vaststelling van de begroting van de Ministeries van het Land voor het dienstjaar 2024, de Landovereenkomst van 19 januari 2024 tot vaststelling van de begroting van de Raad van Advies voor het dienstjaar 2024, de Landovereenkomst van 15 februari 2024 tot vaststelling van de begroting van de Algemene Rekenkamer voor het dienstjaar 2024, de Landovereenkomst van 15 februari 2024 tot vaststelling van de begroting van de Dienst Openbare Werken voor het dienstjaar 2024 en van de Landovereenkomst van 15 maart 2024 tot vaststelling van de begroting van de Staten van Aruba voor het dienstjaar 2024 (S/835/23-24, d.d. 27 mei 2024) (Z/2023-2024-1017).			
VERGADERING NO. 18, D.D. 27 JUNI 2024 VOORTZETTING Motie nr. 1 Fractie MEP-RAIZ			
		VOOR	TEGEN
1.	mr. E.G.A. Vrolijk	✓	
2.	M.A. Berlis	✓	
3.	L.J. Christiaens-Vazquez, M.Sc.	✓	
4.	D.B. Goedee-Erasmus	✓	
5.	A.S.C. Molina	✓	
6.	H.W.G. Tevreden, B.Sc.	✓	
7.	R.A. Hoek, MA	✓	
8.	S.M. Tromp-Lee, R.Ec.	✓	
9.	dr. A. Vallejo	✓	
10.	mr. drs. A.L. Dowers	✓	
11.	mr. M.G. Ema	✓	
12.	ing. M.E. de Meza	✓	
13.	O.B. Sevinger	✓	
14.	drs. M.G. Wyatt-Ras	✓	
15.	R.M.J. Raymond	✓	
16.	R.A. Kampereen	✓	
17.	A.A. Guan	✓	
18.	drs. M.J. Tromp	✓	
19.	M.J. Mauser	✓	
20.	mr. G.L. Cuen	✓	
21.	mr. dr. R.R. Santos do Nascimento	✓	
UITSLAG STEMMING		VOOR: 20	TEGEN: 0
HOOFDELIJKE STEMMING:			

Motie no. 1 Fractie MEP-RAIZ OV # 18, d.d. 25 juni 2024 m.b.t. OW# 1017		STATEN VAN ARUBA Datum: 25 JUN 2024 Volgorde: 939/23-24
PARLAMENTO DI ARUBA		
MOCION MEP Y RAIZ		
1. Parlamento di Aruba, den reunion publico na 18, ariba fecha di 25 juni 2024, Ontwerp-landovereenkomst tot wijziging van de Landovereenkomst van 20 december 2023 tot vaststelling van de begrotingen van de ministeries van het Land voor het dienstjaar 2024, de Landovereenkomst van 19 januari 2024 tot vaststelling van de begroting van de Raad van Advies voor het dienstjaar 2024, de Landovereenkomst van 15 februari 2024 tot vaststelling van de begroting van de Algemene Rekenkamer voor het dienstjaar 2024, de Landovereenkomst van 15 februari 2024 tot vaststelling van de begroting van de Dienst Openbare Werken voor het dienstjaar 2024 en van de Landovereenkomst van 15 maart 2024 tot vaststelling van de begroting van de Staten van Aruba voor het dienstjaar 2024 (S/835/23-24, d.d. 27 mei 2024) (Z/2023-2024-1017).		
CONSIDERANDO CU:		
- Recientemente director di AZV a indica cu e estado financiero di e fondo di AZV tin e capacidat pa cumpli sin problema cu su obligacionnan y ta solido;		
- AZV a indica cu den e afianan vendiendo lo genera un reserba;		
- Desde aña 2004 AZV a introduci un lista di remedi a base di conseho di Advies Commissie Geneesmiddelenlijst AZV (AGA). E lista aki ta bisa na e dunadonan di cuido cua remedinan AZV ta cubri (lista positivo) y cua remedinan AZV no ta cubri;		
- Na aña 2021 y 2022 AZV a adapta e lista positivo y asina a saca afo tur remedi 'over the counter' (OTC) cu ta wordo considera remedi pa cuidu propio;		
- Ora cu Parlamento di Aruba a trata e adaptacion di e lista positivo a indica na Gobierno cu na tur momento mester garantiza cuidu di nos aduiltonan mayor y esun cu ta sufi di un mas malesa cronico, y asina mantene e accesibilidad na nan remedinan necesario;		
- Gobierno a indica cu a base di instruccion di nan specialista e remedinan cu no ta riba e lista positivo mester keda cubri, dado caso ta trata de malesa cronico;		
- Parti di e maneho y vision di Gobierno di Aruba ta pa mehora e poder di compra di e pensionadonan y pa aumenta esaki responsabilmente ora tin espacio;		
- Presupuesto di Gobierno di Aruba pa 2 aña consecutivo (2023 y 2024) tin un surplus di mas cu 1% respectivo 2.2%;		
- Ta importante pa e entrada di nos aduiltonan mayor keda wordo vigila y stimula pa por sigui nan bienestar y alivio e presion ariba nan;		
- Cuido medico, incluyendo remedinan, ta bon pa keda accesibel financieramente pa nos aduiltonan mayor.		

TA DICIDI:	
Pa urgi Gobierno di Aruba pa dentro di un cuadro financiero responsabel y husto, stimula e bienestar y tranquilidad di nos aduiltonan mayor, por medio di adaptacion di e lista positivo di remedinan di AZV segun analisis di AZV, den forma di remedi di exclusion pa aduilton mayor.	
Y TA PASA PA ORDEN DI DIA.	

Durante un reunion publico dia 25 juni 2024 caminda nos a trata Presupuesto Supletorio 2024, mi a entrega un mocion pa urgi Gobierno di Aruba pa dentro di un cuadro financiero responsabel y husto, stimula e bienestar y tranquilidad di nos grandinan. Esaki por medio di adaptacion di e lista positivo di remedinan di AZV segun un analisis cu AZV mester haci. E mocion aki a keda sosteni unanimamente.

E meta ta pa Gobierno sondea e posibilidad si ta factibel pa ehecuta cambio a corto plaso pa exclui pensionadonan di paga pa remedinan cu no ta riba e lista positivo.

## Un tiki historia

Desde 2004 AZV a introduci un lista di remedi a base di conseho di Advies Commissie Geneesmiddelenlijst AZV (AGA). E lista aki ta bisa na e dunadonan di cuidu cua remedinan AZV ta cubri y cua remedinan AZV no ta cubri. Hopi biaha ta referi na e lista aki como 'Postieve lijst' (lista positivo). Durante pandemia nos tur por corda e exigencia di Hulanda pa nos corta 60 miyon den e fondo di AZV. Pa logra cumpli cu e exigencia aki, cu por cierto nos tur tabata haya algo incomprendibel y inacceptabel, AZV a uza e asina yama 5-wave model cu e positieve lijst tabata forma parti. Dus di e tempo ey AZV no tabata cubri cierto remedinan mas. Mi kier enfatisa cu ora cu parlamento a trata e adaptacion di e lista positivo a indica na Gobierno cu na tur momento mester garantiza cuidu di nos grandinan y esnan cu ta sufi di un of mas malesa cronico,

y asina mantene e accesibilidad na nan remedinan necesario. Dus cu AZV mester keda cubri esakinan. Gobierno a sigura Parlamento cu abase di instruccion di nan specialista e remedinan cu no ta riba e lista positivo mester keda cubri, dado caso ta trata di malesa cronico. Asina a sosode cu na 2021 y 2022 AZV a adapta e lista positivo y a saca afo tur remedi 'over the counter' (OTC) cu ta wordo considera remedi pa cuidu propio.

## Origen di e mocion

Como Parlamentario mi tabata haya hopi keho di e cambio door di nos grandinan, esta cu nan mester paga pa nan remedinan. E tempo ey mesora mi a tuma contacto cu Minister Oduber cu na su turno a percura pa AZV sali duna mas informacion y a introduci un Info lijn. Meta tabata pa splica entre otro nos grandinan ki caminda mester cana pa haya e remedinan cubri dado caso nan ta pashent cu ta sufi di un malesa cronico. Cu tempo e kehonan a baha drasticamente pero toch tin un grupo di pensionado cu no obstante informacion y posibilidad brinda door di AZV, ta keda cu e dificultad pa yega na nan remedinan cu no ta riba e lista positivo y esaki consecuentemente por tin consecucionan negativo riba e salud di e persona. Mirando cu economia di Aruba tabata den un crecimiento positivo y pa 2 aña consecutivo nos presupuesto di Pais Aruba tin un surplus tabata e momento na juni 2024 pa poco poco urgi Gobierno pa cuminsa duna bek na nos hendenan. Na mi opinion e espacio financiero crea primordialmente mester bay pa



yuda esnan cu mas tin mester di dje y nos grandinan sigur ta un di nan. Nos no ta unda nos kier ta, pero sigur MEP a pone nos pais bek riba e bon caminda.

Meta primordial di e mocion tabata pa nos grandinan haya nan remedinan cubri y no mester core ningun risico innecesariamente. Mas cu claro esaki lo tin un efecto positivo pa nan cartera. Mi ta gradici ex-Minister Oduber pa percura pa e sondeo tuma lugary cu dia 13 di december 2024 Consejo di Minister a dicidi pa percura pa e alivio aki tambe pa nos grandinan. Lastimamente pa motibonan imprevista implementacion no por a tuma lugar na comienso di aña pero awor si e ta bay keda implementa.

MEP a priminti, MEP a cumpli, AVP/Futuro ta ripiti anuncio di Dangui Oduber.



# *Thank You Masha Danki*

**To our beloved guests, extraordinary Bucuti  
Associates, and our beautiful home, Aruba.**

**This honor belongs to all of you. Your commitment,  
warmth, and hospitality have shaped our success and  
placed Aruba proudly on the global stage.**

**Bucuti & Tara is honored to be ranked as the No. 5 Best  
Resort in the World, No. 1 in the Caribbean, No. 1 in  
Aruba, and No. 2 Worldwide in the “Treat Yourself”  
category on Tripadvisor.**

**Danki, Aruba.**



**BUCUTI & TARA**  
**BEACH RESORT • ARUBA**



# ATIA Y GOBIERNO RIBA MESUN LIÑA PA BIN CU DIALOGO NACIONAL

Diaranson 30 di april, PromeMinisterMikeEman a reuni cu Directiva di Aruba Trade and Industry Association (ATIA) den cual a atende cu varios topico di interes comercial. Pa Prome Minister Eman, ta hopi importante pa tene dialogo regularmente cu gremio y sindicato cu e meta pa yega na un consenso riba e plataforma cu kier introduci di dialogo nacional.

Segun Presidente di ATIA Herrick Henriquez, despues di e ultimo encuentro cu formado Mike Eman y Gerlien Croes, awe a bolbe reuni cu Gobierno. A dialoga entre otro riba e status di e rijkswet y riba e fondo di inversion cu Gobierno kier bin cu ne. ATIA ta optimista cu Gabinete AVP-Futuro lo yega na un Consensus Rijkswet nobo, cu e meta pa yega na un tasa di interes reduci di 3.2%. Ta consciente cu e tardansa di parti di IMF, cu mester a entrega un conseho financiero como parti di e normanan cu mester entrega na Hulanda prome cu dia 1 di mei. E reduccion di interes di 5.1% pa 3.2% aki ta yuda Aruba

den su finansa publico y por tin un efecto positivo pa pueblo, mirando cu tin mas placa cu ta keda Aruba y cu por inverti den entre otro asuntonan social y enseñansa. Prome Minister a sigura cu lo manda gran parti di e documentonan Hulanda na tempo pa por yega toch na e interes reduci.

Pa locual ta trata e fondo di inversion, ATIA ta sostiene e pensamiento aki, mirando cu ta facil pa continuamente traha proyectonan nobo, pero sin un plan structural di mantencion, esaki na final di dia lo costa Aruba mucho mas. Ademá a papia riba e scarsedad di labor cu tin actualmente, premirando e cantidad di camber di hotel cu lo bin acerca e aña aki ainda. Ademá a atende cu e tema di burnout di empleadonan tur caminda, cual mester mitiga mas tanto posibel, pero tambe mester stimula productividad laboral. Hunto cu Gobierno kier yega na algo inovativo pa trece cambio positivo pa Aruba. Como isla chikito, nos mester keda innova y adapta na cosnan nobo por por sigui ta competitivo



den e mundo dinamico.

ATIA a comparti algun idea cu nan tin, pa loke ta trata innovacion, mehoracion y fortificacion di nos sistema di enseñansa. Tin necesidad hopi grandi di parti di comercio pa acopla

nos enseñansa miho na e sector comercial.

Locual cu ta duna den enseñansa, mester cuadra cu e demanda di comercio y ta esencial cu e hobennan cu termina scol por drenta e mercado laboral cu e

preparacion adecuada.

ATIA su vision ta importante pa hunto cu Gobierno, saca Aruba pa dilanti y percura pa en realidad comparti progreso cu henter comunidad.

## CAMBIA PERSPECTIVA TOCANTE OBESIDAD: SA BO NUMBER Y MIDI BO PESO





# MINISTER DI SALUD PUBLICO MERVIN WYATT-RAS A HACI BISHITA NA DVG Y JGZ



Diaranson mainta, Minister di Salubridad Publico, drs. Mervin Wyatt-Ras a realisa un bishita importante na Departamento di Salud Publico (DVG) y Jeugd Gezondheidszorg (JGZ). Durante e bishita, e mandatario a haya un recorrido detaya den e diferente seccionnan di DVG, cu tin e regie di nos sistema di cuido.

Durante e bishita na DVG, Minister a haya un recorrido na e diferente seccionnan manera Management, Seccion di Malesanan Contagioso, Seccion Sanitario cu ta responsabel pa duna certificado di salud, Seccion di Certificacion Medio Ambiental y Epidemiologia. E minister a cera conoci cu un ehecutivo di RIVM for di Hulanda, un experto den crisis management relaciona cu malesanan infeccioso, cu ta yuda prepara nos instancianan pa responde eficazmente na situacionnan di

emergencia mundial.

Judelca Briceño, miembro di Management Team, a duna un presentacion amplio riba e funcionamiento interno di DVG y su rol crucial den prevencion, monitoreo y liderazgo den maneho di cuido medico na Aruba. DVG tin un rol strategico den guia y coordinacion di cuido medico, trahando hunto cu otro entidadnan den e sector.

Na JGZ, e enfoke ta riba monitoreo di salud di hubentud, for di e periodo di baby pa medio di Gele Kruis te cu edad di adolescencia. A subraya e importancia pa un sistema pa monitorea salud di mucha y crea un protocol pa colabora y intercambia informacion entre instancianan relevante. Mester tin un red di cooperacion cu ta ‘come in place’ den casonan di sospecho di abuso, pa proteha nos muchanan.

Minister Wyatt-Ras a splica cu hunto cu DVG, JGZ y otro instancia den sector medico, lo mester fiha e maneho pa sigui eleva e calidad di cuido medico na Aruba.

Minister a expresa su satisfaccion cu e nivel di compromiso y profesionalismo demostra y pa nan determinacion y dedicacion na bienestar di nos pueblo.

# ARUBA WASTEWATER SUSTAINABLE SOLUTIONS N.V. (AWSS) A ENTREGA KEHO NA POLIS PA SABOTAHE



Oranjestad, 1 di Mei 2025 - Despues cu awa di riool a sali for

di sistema di rioolering un siman y mey pasa banda di hotelnan grandi, AWSS a manda un team pa haci investigacion di kico por tawata e causa.

E personal di AWSS a haci inspeccion na diferente sitio y a bin detecta cu e tapa di e sistema di rioolering tawata habri y a benta diferente materialnan den e sistema, a descubri paña, baranca, hero y asta un biga. Esaki a haci cu e fluho di awa di riool a wordo obstaculisa cu consecuencia cu el a bin ariba y a causa molester. Tambe a bin descubri cu tapanan di pos cu normalmente ta cera a

wordo habri banda di algun hotel.

Tur esaki ta muestra cu lo por ta trata di un of mas persona cu mal intencion a planea y actua den coordinacion pa causa molester y haci daño na nos turismo y imagen di Aruba.

Mientrastanto gerencia di AWSS a tuma e decision pa entrega keho na autoridadnan pa asina un investigacion penal por cuminsa pa haya sa kendenan ta tras di e actonan aki cu ta muestra di ta sabotahe. E asunto aki ta algo serio y gerencia di AWSS ta dunando esaki tur e atencion necesario.





Minister di Salud Publico drs. Mervin Wyatt-Ras:

# ADAPTACION RIBA LISTA POSITIVO DI REMEDI TA UN ALIVIO GRANDI



Diaranson mainta Minister di Salud Publico, drs. Mervin Wyatt-Ras, hunto cu Prome Minister Mike Eman y Director di AZV, ir. Edwin Jacobs, a anuncia un paso importante pa cuido medico na Aruba. Entrante 1 di mei, tur remedi cu anteriormente tabata cubri pa AZV

prome cu pandemia, pues ta elimina varios for di e lista positivo di remedi na botica.

Durante 2021, gobierno anterior, den cuadro di e Landspakket, a tuma e desicion doloroso pa corta 60 miyon florin for di sector di cuido medico.



E medida aki a inclui recorte den salario di profesionalnan di salud, y a pone hopi remedi for di e lista positivo cu AZV no ta cubri. Hopi a sinti e consecuencia cu nan tabata obliga di paga remedi prescribi y hasta mester a scoge entre nan salud y nan necesidadnan diario. Pa hopi, esaki a crea desesperacion, frustracion y falta di confiansa den e sistema.

Awe AZV a ricibi e

lista positivo nobo cu e remedinan cu lo bolbe cubri. Segun Director Edwin Jacobs, lo manda e lista formalmente na tur botica y dunado di cuido, pa asina entrante 1 di mei, tur hende por haya nan remedi prescribi sin costo. Pronto lo publica e lista positivo cu tur remedi riba e website di AZV.

AZV awo ta dispone di sistemanan automatiza pa monitorea e uzo di remedi y preveni abuso

den prescripcion. E recuperacion economico di Aruba a percura pa genera mas entrada pa e fondo di AZV y awo mester integra e costo adicional di remedi den e maneho financiero di AZV.

Gabinete AVP-FUTURO ta cumpli cu su promesa di comparti progreso cu pueblo. Acceso na cuido medico di calidad ta un derecho fundamental y Minister Wyatt-Ras lo percura pa cumpli cu esaki debidamente.

## E BAILE DI AMOR, EROTISMO, Y TRANSFORMACION

### Exposicion di arte crea pa Belinda De Veer

Pa medio di e comunicado aki Cas di Cultura cu sosten di Cultuurfonds Caribisch Gebied ta presenta e coleccion di obranan nobo di e artista local Belinda De Veer. E obranan sorprendente aki a ser crea den ultimo dos aña y ta contene un mensahe profundo di e amor, erotismo, y transformacion. Di e forma aki e imaginacion artistico di Belinda ta transporta nos via e obranan di arte den un narrativa yena cu sensualidad y ternura. Especialmente na e momentonan aki di conflicto y

polarisacion global Chimera ta ofrece un antidoto necesario.

E idea di amor, enredamento, i transformacion ta especialmente valido na e momento aki, caminda diferente tipo di guerra ta tumando luga den e experiencia mundial di tur dia, causando victima, polarisacion i caos. Un experiencia ku ta contrario na e sentimento di amor, eros, i dignidad humano. E obranan di arte nobo i intrigante aki di Belinda de Veer, carga cu simbolismo di deseo erotico, por



ser mira manera un invitacion pa biba bida na su maximo. Pa medio di su arte, e brasa ritual aki, e curpa, intimidad i conexion

ta wordo celebra. “E zona di mas erotico ta e imaginacion” (Vivienne Westwood)



# Rycond do Nascimento: GERLIEN TA HUNGA TINKER BELL: NO KIER MADURA NI TUMA RESPONSABILIDAD

Aruba, 28 di april 2025

Pa algun tempo caba tin desaroyonan politico cu ta pone mi corda riba Tinker Bell (Campanita). Tinker Bell ta e elf cu ta compaña Peter Pan cu no kier madura ni tuma responsabilidad. Tinker Bell ta un metafora pa un persona cu ta uza su encanto femenino y su intensidad travieso como parti central di su identidad, pero tin dificultad pa desaroya como profesional competente y madura como un persona cu por mantene estabilidad den relacionnan. E Pixie Dream Girl ta cla pa grita cu el a wordo humiya, como arma manipuladora pa sirbi su boluntad egoista.

Tinker Bell ta un desvio patologico di loke ta desaroyo normal di un mucha. Segun e psicologo Piaget e ta normal c'un mucha entre e edad di 2 pa 7 aña ta pensa egoisticamente, pasobra ainda nan no por compronde bon bon e consecucionan di nan escogencianan. Pero, ora nan bira mas grandi ta importante pa nan siña bira serio y tuma responsabilidad pa nan actonan. Nan mester cuminsa tene cuenta cu nan tin impacto riba nan famia y nan comunidad.

Den cierto sentido Gerlien tin un parecido na Tinker Bell. El a squeeze Mike Eman poniendo pia abao pa haya Relacionnan di Reino pa su mes y finansa publico pa Geoffrey Wever. El a sapatia cu Desiree Croes no por bira Minister Plenipotenciario y e tabata kier pa e Gabinete haya e nomber Eman-Croes.

Pero, mientras cu Gerlien kier saca maximo probecho, e ta nenga di asumi e responsabilidadnan cu mester acompaña su aumento di poder. Un di e responsabilidadnan eyta p'informa pueblo debidamente y no gaña deliberadamente. Bo ta corda con Gerlien a bisa cu ta existi base legal pa staatssecretaris? Esey

tabata puro mentira, pasobra nos derecho constitucional no conoce nombracion di staatssecretaris.

Por ta bo ta bisa cu esey tabata solamente un incidente isola. Awel, laga mi duna un otro ehempel: poco dia pasa Gerlien a bisa Brian Koolman cu, despues cu Gerlien a bira minister, e no ta responsabel mas pa e formacion. Loke e ta bisa ta cu una bes cu el a yega na poder, tur su responsabilidad a termina. Gerlien obviamente a pega soño na universidad ora cu e docente a trata e responsabilidad di e minister pa e formacion y muy en particular e responsabilidad di e ministernan cu tabata encarga cu e formacion. Ademá e ta supose di ta obvio cu ta e minister ta carga e responsabilidad aki, pasobra ta solamente e minister Parlamento por disciplina cu un mocion di desconfiansa pa motibo di actuacion incorrecto durante e proceso di formacion.

Pero e entrevista cortico di Brian tin mucho mas Pixie Dust. Pa duna bo otro ehempel. Gerlien a bisa Brian cu e no tin influencia riba ken AVP ta scohe como minister. Pero esey tambe ta mentira, pasobra Gerlien mes a sapatia ora Mike kier a apunta Desiree como Minister Plenipotenciario. Ta Gerlien a obliga Mike busca un otro persona y ta p'esey Mike a acerca Baba Herdé pa e puesto.

E falta di madures aki ta haci cu Gerlien ta schuif tur responsabilidad cu segun derecho constitucional ta mara na e cartera di Relacionnan di Reino. Djis wak riba e Facebook page di Parlamento e encuentro publico di dia 29 di april 2025 encuan to e Rijkswet di supervision financiero. Gerlien a literalmente tuma su tempo pa fabrica un "timeline" consistiendo di momentonan cu Evelyn Wever-Croes tabatin palabracionnan cu Hulanda, mientras cu Gerlien a laga henter

e contexto di e negociacionnan cu Hulanda afo. Tacticamente el a manipula informacion pa evita cu su siguidonan por compronde e materia debidamente.

Asina Gerlien a crea e storia cu e Rijkswet di supervision financiero y e interes di 6,9% tin un solo responsabel: Evelyn Wever-Croes. Pio ta cu yen profesional mentepollo ta cay pa su bruheria, siguiendo ciegamente medio berdadnan cu ta cubri su gran mentira. Dicon Gerlien no por duna un presentacion madura, splicando e tres punto esencial di un analisis honesto:

1. cu berdad Evelyn a tuma varios decision durante reunionnan cu Hulanda encuan to e cuestion di Rijkswet di supervision financiero.

2. cu e ta un realidad cu Gabinetenan Mike Eman I y II a provoca Hulanda pa interveni den nos autonomia. Esey tabata suficiente, sin tin mester di splica adicionalmente cu ta e deficitnan structural di alrededor di 300 miyon pa aña di AVP a pone Hulanda pensa cu supervision financiero externo di CAft ta e unico garantia pa un maneho financiero serio na Aruba.

3. Pero, honor a la verdad, tampoco ta husto pa pone henter e carga aki riba schouder di Mike Eman so. Tin un otro realidad cu nos mester adresa. E realidad cu Hulanda a chantagia Aruba uzando prestamo di likides durante di un pandemia pa impone e Rijkswet, CHE/COHO/TWO y landspakket.

Enfin, e minister di Relacionnan den Reino, Gerlien Croes, cu e minister di Finansa, Geoffrey Wever, mester a asumi responsabilidad segun nos derecho constitucional. E luga pa nan haci esey tabata den parlamento. Pero, Gerlien a opta pa schuif responsabilidad.



Mientras tanto Gerlien mes ta invalida loke e hunto cu Geoffrey y Mike Eman a percura pa hinca den nan programa di gobernacion. Segun e programa nos democracia parlamentario merece prioridad. Gerlien ta supose di sa cu responsabilidad ministerial ta un norma central den nos Constitucion, cu ta garantiza cu nos tin un sistema parlamentario. E responsabilidad aki no ta tuma un break ora tin cambio di poder: e responsabilidad ta conta pa e funcion di minister sin importa ken ta e persona cu ta carga e funcion. Toch Gerlien kier strooi cu Pixie Dust riba dje, como si fuera cu e encanto aki ta mas importante cu nos leynan.

Esey ta politikeria infantil cu ta demostra egoismo, manipulacion y deshonestidad. Esun cu tin su wowonan habri ta mira Gerlien su incompetencia y ineptitud cla cla. Pasobra, un politica madura ta exige cu esun cu kier acepta e posicion di prestigio di minister, tambe mester ta dispuesto pa tuma e manto di responsabilidad. Pa nos como pueblo ta keda e les importante cu no ta suficiente cu un minister ta popular, e mester ta capaz. Aruba mester exige madurez. Pasobra puro ambicion sin cerebro simplemente no ta suficiente.



## E baile di amor, erotismo, y transformacion

Exposicion di arte crea pa Belinda De Veer



Pa medio di e comunicado aki Cas di Cultura cu sosten di Cultuurfonds Caribisch Gebied ta presenta e coleccion di obranan nobo di e artista local Belinda De Veer. E obranan sorprendente aki a ser crea den ultimo dos aña y ta contene un mensahe profundo di e amor, erotismo, y transformacion. Di e forma aki e imaginacion artistico di Belinda ta transporta nos via e obranan di arte den un narrativa yena cu sensualidad y ternura. Especialmente na e momentonan aki di conflicto y polarisacion global Chimera ta ofrece un antidoto necesario. E idea di amor, enredamento, i

transformacion ta specialmente valido na e momento aki, caminda diferente tipo di guerra ta tumando lugar den e experiencia mundial di tur dia, causando victima, polarisacion i caos. Un experiencia ku ta contrario na e sentimento di amor, eros, i dignidad humano. E obranan di arte nobo i intrigante aki di Belinda de Veer, carga cu simbolismo di deseo erotico, por ser mira manera un invitacion pa biba bida na su maximo. Pa medio di su arte, e brasa ritual aki, e curpa, intimidad i conexion ta wordo celebra.

“E zona di mas erotico ta e imaginacion” (Vivienne Westwood)

**Clasificados**

**SOLODIPUEBLO@GMAIL.COM**  
**CEL. 585 9500**

**SOLO De Pueblo**

## Siman di Reunion Productivo cu IMF y World Bank na Washington pa Aruba

E siman prome cu su presentacion den Parlamento tabata un periodo intensivo pa Minister Wever y e delegacion di Aruba, kendenan a bishita Washington D.C. pa un serie di reunionnan importante. E encuentran aki a tuma lugar cu dos di e institucionnan financiero mas prestigioso di mundo: e Fondo Monetario Internacional (IMF) y e Banco Mundial. E agenda

tabata enfoca riba e situacion economico global y regional, y especificamente riba e implicacionnan pa un economia chikito y dependiente manera esun di Aruba.

Durante e reunionnan, e delegacion di Aruba a drenta den un dialogo constructivo cu representantenan di e institucionnan aki. Nan a discuti e pronosticonan economico, e posibel riesgonanyestrategianan cu Aruba ta considerando

pa mantene estabilidad financiero. Tambe tabatin encuentronan cu banconan comercial cu ta presta placa na Aruba, unda a scucha nan perspectiva riba e desaroyonan di mercado Mericano y nan vision riba e futuro economico. E siman di reunionnan aki tabata un oportunidad valioso pa Aruba pa intercambia di idea, busca conseho y fortifica su relacionnan cu e actornan financiero internacional clave.

## DIASABRA 3 DI MEI 2025, PA 7 OR DI MANTIN SANTO SACRIFICIO DI MISA Na Kapel di Alto Vista y den Kapel di Blue Army na San Nicolas

Prome cu Santo Misa ta resa Santo Rosario pa 6.15 “Misterio Gososo”, despues ta sigi cu Salve Regina. Ta invita tur deboto y fielnan di Mama Maria pa asisti na e Santa Rosario prome cu Santa Misa.

Luna di Mei ta luna dedica na La Birgen di Rosario di Fatima.

13 di Mei ta recorda e prome aparicion di Mama Maria na e 3 wardador chikitanan na Fatima. Prome cu Papa Francisco a fayese, E a duna su deseonan:

PALABRANAN PRINCIPAL cu Papa Francisco a expresa den e ultimo tempo: “Resa e Santo Rosario diariamente cu debocion, e ta un arma poderoso pa e temponan aki. Cada cralchi di Ave Maria ta un rosa pa Mama Maria, cada misterio ta palabranan di Santa Escritura. Un rosario ta un proteccion contra tur adversidad.

Den tur parokia na Aruba tin debotonan di Mama Maria, asina cu 4 di Mei ta prome

dia novena. Mama Maria ta entercede pa nos na nos Tata Celestial. Cu tur fielnan bin resa e Santo Rosario pa bienestar di henter comunidad.

Papa Francisco, Administrador Charles Jason Gordon, tur sacerdote, Diacono y laiconan cu ta hiba e bon noticia pa e pueblo di Dios. Pa nos Gobernantenan y tur cu ta carga responsabilidad pa nos pais Aruba. Pa enfermonan den exterior. Cu Dios Santo sananan y cu pronto nan por regresa na nan hogar.

Cu Mama Maria scucha sclamamento di esnan cu ta biba cu miedo y hamber, sin dak riba nan cabes, sin awa pa bebe y sin cuminda. Henter nan bida ta destrosa bou di guerra y perdida di nan sernan keri. Mas cu nunca, ban resa Santo Rosario pa PAZ na Medio Oriente. PAZ den hogarnan na Aruba y nos ruman nan riba otro islanan Ban hinca rudia y busca refugio serca nos Mama Celestial. Den nos oracionnan pidi pa Oekrania y Rusia yega na e paz desea.

**PUEBLO A HAÑA SU PEN BEK**

Pa kualkier informacion  
solodipueblo@gmail.com  
of  
**585-9500**



# FORTALEZA PA FAMILIA

Scirbi pa Pastor Marcel Balootje.

## PARA FIRME DEN TEMPO DI DIFICULTAD

Cu tur locual ta pasando rond di nos , e ta existi di nos Fe y Firmesa den Cristo Hesus.

Nos mester para duro contra e plannan di e enemigo cu ta bini solamente, pa horta , pa mata, y pa destrui, pasobra di berdad nos ta mira con falta di respet y inmoralidad ta birando mas grandi.

Cristo a priminti cu nunca E e lo bandona nos, ni tampoco desampara nos, pero tambe E ta bisa den Su palabra cu esun cu perservera te na fin, esey lo ta salba.

E cosnan aki Mi ta bisa boso, pa den Mi boso por tin pas. Den mundo boso

tin tribulacion, ma tene curashi Mi a vence mundo. ( Juan 16:33).

Tur locual cu por wordo sacudi, lo wordo sacudi, matrimonio, famia, hubentud , tur esakinan lo wordo sacudi, pa asina hende yega na firmesa den Senjor.

Kico ta nifica e firmesa den Senjor?

Esey kiermen cu tur hende mester tin Cristo Hesus como nan Senjor y Salbador, ta pa esey e Evangelio di e reino di Dios ta wordo predica, no como religion pero como un relacion intimo cu Hesus Cristo, y pone Cristo Hesus na prome lugar den nos bida, pa asina cu ora E

bini, nos bay cune.

Senjor a priminti bisando : No tene miedo, pasobra Ami a redimi bo, Mi a yama bo na bo nomber. Ora bo ta pasa door di awanan lo Mi ta cubo, y door di ruinan, nan lo no lastra bo bay cu bo. Ora bo cana door di candela, esaki lo no flama bo, ni e vlam lo kima bo, pasobra Ami ta Senjor Bo Dios. (Isaias 43:1-3) Esaki ta un speransa cu nos tur por gara na dje, pasobra e palabra y promesa di Dios nunca ta cambia.

No ta tempo pa hala atras for di e caminda di Dios, no ta tempo pa fria den nos sirbishi na Dios, no ta tempo pa nos ocupa den

cosnan di mundo, cualnan ta temporal, y lubida riba esun cu ta duna nos bida eterno.

Nos mester corda cu ta den Cristo Hesus so tin salvacion, tur otro cos ta temporal, y ta keda aki bao na mundo, mundo y su politica, su sistema ta pasa bay, pero Cristo Hesus lo permanece pa semper.

Tambe Senjor lo ta un refugio pa esnan oprimi, un refugio den temponan di angustia. Y esnan cu conoce Bo nomber, lo pone nan confiansa den Bo, pasobra Abo O Senjor, no a bandona esnan cu ta busca Bo. ( Salmo 9:9).

Nos ta bibando den e tempo den cual e palabra di Dios ta bisa nos: Ay di esnan cu ta yama loke ta malo bon, y loke ta bon, malo, loke ta scuridad, loke ta marga dushi, y loke ta dushi, marga. ( Isaias 5:20).

Tur esaki hende ta haci

pa complace cu hende, pa gana amistad di hende, y lubida cu esey ta temporal, y no tin entrada dilanti di Dios.

Senjor ta bon pa nos tur y Su misericordia, Su pordon, y Su compasion tey pa nos tur, Senjor ta stima nos tur , y Su salvacion tey pa tur esnan cu ta kere den Su Yiu unigenito. (Juan 3:16).

Hesus Cristo ta mescos ayera awe y pa semper. ( Hebreonan 13:8).

E mundo cada dia ta bira mas moderno, pero e palabra di Dios , no ta modernisa, e ta eterno, e tey pa semper pa duna firmesa den bida y curason di tur esnan cu ta kere den dje.

E tempo ta dificil y lo bira mas dificil.

Laga nos para firme.

Sinceramente, Pastor Marcel Balootje.

## Miloushka Krozendijk ta empleado superior di Aruba Bank

Oranjestad – 02 di mei 2025 - Miloushka Krozendijk ta empleado superior di Aruba Bank pa luna di maart 2025. Un empleado cu a demostra dedicacion y iniciativa sobresaliente, logrando asina e reconocimiento aki.

E compromiso di Miloushka pa semper brinda un experiencia superior na e clientenan di Aruba Bank cu ta refleha e balornan di e banco. Su accionnan ta impacta e clientenan positivamente

y ta pone un standard halto pa e excelencia di servicio na cliente.

Miloushka gusta pasa su tempo liber na park, pa relaha y disfruta di e

trankilidad di e naturalesa rond di dje.

Pabien Miloushka pa ta un empleado ehemplar cu ta forma parti di Aruba Bank.





# Bucuti & Tara Beach Resort ta Marca Historia Como e di 5 Mihor Hotel Na Mundo y e Hotel No. 1 di Caribe riba Tripadvisor

EAGLE BEACH, Aruba – April 29, 2025 - Den un reconocimiento poderoso pa su hospitalidad di nivel mundial y experiencianan transformativo pa su huespednan, Bucuti & Tara Beach Resort, a wordo nombra e di 5 Mihor Hotel na Mundo, No. 1 den Caribe, y No. 2 Mihor Hotel na Mundo pa e categoria di “Treat Yourself” den e ranking prestigioso di Travelers’ Choice Best of the Best Awards 2025 di Tripadvisor.

Pa completa e honornan halto, Bucuti & Tara a reconsolida su posicion como Hotel No. 1 di Aruba, reconociendo su liderato constante den excelencia, sostenibilidad y servicio personalisa.

Un Legado di Amor y Luho Durante 25 Aña

E aña aki ta marca e aniversario di 25 aña di Tripadvisor, y Bucuti & Tara ta orguyosamente celebra su constancia como un ganador di e premiacionnan di e prestigioso Travelers’ Choice Best of the Best desde cu e honoracionnan a cuminsa na 2002.

Durante mas cu 37 aña, parehanan for di tur parti di mundo a scohe Bucuti & Tara pa pasa un vakantie romantico, luna di miel of retiro pa bienestar. Ubica riba e famoso Eagle Beach – nombra como e No. 1 Mihor Beach di Caribe y No. 3 di Mundo (Tripadvisor 2025) – e resort exclusivo y adults-only ta ofrese un ambiente trankilo y intimo, diseña specialmente pa adultonan cu ta buscando serenidad y sofisticacion.

E honor prestigioso aki ta basa exclusivamente riba miyones di reseñanan autentico y experiencianan real di bishitantenan. E ranking excepcional di Bucuti & Tara ta pone e resort den e top .001% di e 1.6 millon hotelnan lista riba Tripadvisor. Bucuti & Tara ta wordo celebra door di biaheronan for di tur parti di mundo cu personalmente a experiencia su combinacion sin igual di romanticismo, serenidad y lujo sostenibel.

“Tripadvisor su Best of the Best Hotels ta capta e opinionnan di miyones di biaheronan mundialmente y ta ofrece un guia confiabel pa e biaheronan cu ta planificando nan vakantie ideal. Conoci pa nan hospitalidad sobresaliente, amenidadnan premium y ubicacionnan privilegia, Tripadvisor su Best of the Best Hotels ta sobresali como e lista di e mihor opcionnan den nan destinacionnan y tambe mundialmente,” asina Kristen Dalton, Presidente di Tripadvisor, a declara.

Un Trayectoria Basa Riba Amor

“Desde e inicio di e premiacionnan di Tripadvisor 25 aña pasa te na e momento increibel aki, nos por bisa cu nos trayectoria ta basa riba amor – amor pa nos huespednan, pa nos isla, y pa nos team increibel di Asociadonan di Bucuti,” Crescenzia Biemans, Chief Corporate Officer di Bucuti & Tara Beach Resort ta comparti. “Wordo nombra como un di e Top 5 Mihor Hotelnan
















na Mundo y como e No. 1 Hotel di Caribe ta un privilegio grandisimo. Nos ta sumamente agradeci na nos huespednan maraviyoso pa confia den nos cu nan momentonan mas aprecia, y na nos Asociadonan increibel, kende ta e curason y alma di Bucuti & Tara. Danki na nan dedicacion y pasion, nos por crea experiencianan berdaderamente excepcional pa tur nos huespednan.”

Aruba Ta Keda Briya

Ademas di e reconocimentonan di Bucuti & Tara, Aruba a wordo honra como un di e Top 25 Mihor Destinacionnan na Mundo, destacando nos isla su cultura rico, hospitalidad caluroso y sol briyante ful aña. Eagle Beach, caminda Bucuti & Tara ta localisa, ta sigui cautiva bishitantenan como un di e playanan mas impresionante di mundo.

Pa haya sa mas, bishita Bucuti.com.



<div></div> <div>Paardenbaaistraat 10, Oranjestad, Aruba Tel.: (297) 525 - 7555</div> <div>www.lottoaruba.com</div> <div>Resultado: Sorteo di Merdia - May 02, 2025</div>		
<div><div></div><div>Sorteo # 4608</div><div>7249</div><div>6223</div><div>0324</div><div></div><div>FP</div><div></div><div>Sorteo # 4608</div><div>0758</div><div></div><div>X5</div><div></div><div>Sorteo # 2664</div><div>9293</div><div></div><div>Sorteo # 4608</div><div>7578</div><div>Libra</div><div></div><div>Sorteo # 1482</div><div>577</div><div></div><div>X2</div></div>	<div><div></div><div>Sorteo #</div><div>0 x Jackpot</div><div>0 x Match 4+</div><div>0 x Match 4</div><div>0 x Afl. 12,00</div></div> <div><div>Joker</div><div>Letter</div><div>Proximo Jackpot</div><div>400.000,-</div></div>	
<div><div></div><div>Sorteo #</div><div>0 x Jackpot</div><div>0 x Match 4</div><div>0 x Afl. 8,00</div></div> <div><div>Proximo Jackpot</div><div>54.000,-</div></div>		
<div><div></div><div>Sorteo #</div><div>0 x Jackpot</div><div>0 x match 4</div><div>0 x Afl. 500,00</div><div>0 x Afl. 50,00</div><div>0 x Afl. 15,00</div></div> <div><div>Mega Ball</div><div>Proximo Jackpot</div><div>280.000,-</div></div>		
<div><div></div><div>Sorteo #</div><div>0 x Jackpot</div><div>0 x match 4</div><div>0 x Afl. 500,00</div><div>0 x Afl. 50,00</div><div>0 x Afl. 15,00</div></div> <div><div>Proximo Jackpot</div><div>Afl. 380.000,-</div></div>		
<div><div></div><div>Sorteo #</div><div>0 x Jackpot</div><div>0 x Match 4</div><div>0 x Afl. 500,00</div><div>0 x Afl. 50,00</div><div>0 x Afl. 15,00</div></div> <div><div>Proximo Jackpot</div><div>Afl. 380.000,-</div></div>		
<div></div>		



# GRAN FINAL DEN TORNEO 4X4: TAXI BOYS vs BIBA LEKKER!

Aruba como e abuso mas grandi di tur tempo: sin piedad, e burdugunan taxista a masaca e pover “plumeronan” cu score impactante di 21-10!

pasobra diasabra awor, 3 di mei, cuminsando pa 8’or di anochi, e sambombaso final lo tuma luga aya n’e mundialmente famoso Domino Square



Calabas/Kudawecha - Diasabra awor, 3 di mei, cuminsando pa 8’or di anochi, e famoso Domino Square Garden lo ta e escenario p’e gran final dje torneo 4X4, ora cu e “burdugunan” di Taxi Boys enfrenta e “cortacoriente-nan” di Biba Lekker! Cos ta hot, pero cayente di berdad! E prome encuentro, esun entre Biba Lekker y Sero Blanco, a bay den tension increibel! Como ultimo recurso, Biba Lekker a diseña un strategia nobo: corta coriente, paga luz, y laga tur hende fria pa asina haci un comeback y gana cu score preta di 21-20. E palabra “Time-out” a haya un significado nobo! Antes tabata bay sconde den WC, pero awor aki a para bira style di paga luz y cuminsa resa! E di dos encuentro, esta esun entre Taxi Boys y Pluma Gang, lo drenta historia di domino aki na Awo, e gran final lo bay dicidi ta cua pegadonan di piedra mas poderoso dje 4 ekiponan aki. Tin papia cu e torneo aki lo ta un “pilot-project” pa un futuro champion’s league den domino. Ken sa, keda pendiente. Pues shonnan, wanta duro Garden net n’e grens entre Calabas y Kudawecha. Manera semper, entrada ta completamente gratis pa publico amante di domino en general, y e snacknan lo lora totalmente pornada durante halftime! No perde e evento sensacional aki, yegaaaa!

# E Bingo di Delegacion Hubileo Aruba ta diasabra dia 3 di mei

Delegacion Hubileo Aruba 2025 hunto cu Stichting Angels & Stars ta participa, cu e Bingo di Caribbean Bingo na Club Caiquetio pa recauda fondo cu mester a tuma luga 4 di januari 2025, a wordo posponi pa diasabra 3 di mei binidero, Awg.10,- pa buki y e orario ta 8:00-11:00 pm.

Bin sinta hunto, pasa un rato ameno, hungando bingo, ganando premio y yudando nos hubentud!

Tin 14 hoben ta bay representa Aruba na e Hubileo 2025 na Italia.

Nos hobennan ta bay scol y no ta traha, ta p’esey Delegacion ta pidi pueblo di Aruba, pa ban yuda nos hubentud pa yega Roma, pa por asisti na e Hubileo Hubenil 2025.

Esaki ta algo grandi pa e hoben, ya cu gastonan ta halto!

**FUNDRAISING**  
**B I N G O**

**TUR FONDO DESTINA NA  
DELEGACION HUBILEO HUBENIL**

1 AWG100

2 AWG250

3 AWG300

4 AWG350

5 AWG400

6 AWG450

7 AWG500

8 AWG550

9 AWG1000

10 AWG2500



**3 MEI 2025**  
CLUB CAIQUETIO | 8PM - 11PM



# Diadomingo awo ceremonia di conmemoracion: HONRANDO E HERENCIA DI LIBERTAD Y SACRIFICIO



Dia 4 di mei, Aruba, hunto cu tur otro pais den Reino Hulandes, lo conmemora cu respet, tur esnan cu a perde nan bida defendiendo libertad y dignidad humano durante Segunda Guerra Mundial. E fecha aki ta sirbi como un recordatorio di e gran sacrificio di nos antepasadonan pa proteha e balornan mas fundamental: libertad. Pahonra e momento solem, Comision Celebracion

Dianan Nacional (CCDN) ta organisa un ceremonia oficial na Plaza Defensornan di Aruba (Adriaan Lacle Boulevard), dia 4 di mei di 5 or pa 6 or y mey. Ta invita comunidad pa forma parti di e ceremonia, den union y respet pa nos heroenan cu a perde nan bida. Durante e ceremonia, lo tuma dos minuut di silencio pa reflehá y rindi homenahe no solamente na esnan cu a perde nan

bida durante Segunda Guerra Mundial, pero tambe na tur soldaat y civil cu a entrega nan bida den un conflicto di guerra of mision di paz. Su Excelecia Gobernador di Aruba, Alfonso Boekhoudt, hunto cu Prome Minister, mr. Mike Eman, Presidente di Parlamento, y miembronan di Parlamento y Consejo di Minister, lo ta presente pa representa nos pueblo y honra e heroenan cu a habri caminda pa e libertad cu nos ta gosa di dje.

Den un acto di respet, S.E. Gobernador lo pone un krans na e Monumento di 5 di mei, un simbolo di liberacion di Europa di e opresion di Nazi. Un grupo di hoben cu a gana competencia Arte di Palabra lo lesa un poesia, familiar y ex-coleganan di e difuntonan lo pone krans, y despues lo sigui

cu un discurso di nos Prome Minister. Presidente di Parlamento di Aruba, Gobierno, Representante di Hulanda na Aruba, Marinierskazernes Savaneta y Dienstnan uniforme tambe lo pone krans. Un grupo di hoben di padvinders lo pone flor

como simbolo di speranza y continuacion di nos compromiso pa paz.

Awe mas cu nunca, nos tin e responsabilidad pa honra e sacrificio cu patriotismo y gratitud. Un pueblo sin pasado ta un pueblo sin rumbo; honra e pasado pa guia e futuro.

**Clasificados**

Icons: car, house, shopping cart, car, tools, people.

CLASSIFIEDS

SOLODIPUEBLO@GMAIL.COM  
CEL. 585 9500

SOLO De Pueblo

Paga bo cuenta  
online ta facil

Sea  
Abonnement  
of Aviso



Pa hasi pago online pone nomber y adres na  
cuenta di banco RBC Sunmax Printing  
account # 7700000100152447



# FORTALEZA PA FAMILIA

Scirbi pa Pastor Marcel Balootje.

## TUR HOBEN MESTER SINJA CON PA WARDA RIBA NAN MAYOR Y BIBA HUMILDE

Den Filipensenan capitulo 4 :12 Apostol Pablo ta declara; Mi sa di biba humilde, y mi sa di biba den prosperidad, den cualkier y den tur circunstancia mi a sinja e secreto di ta barica yen y di pasa hamber, tanto di tin abundancia y di tin necesidad.

Mayoria di nos hubentud ta hiba un bida confortabel, y nan no conoce necesidad ni tampoco a pasa hamber manera hobennan den otro pais.

Pero esey no ta kita cu nos como mayor mester educa nos yuinan den humildad, pa nan no ansha ora nan ta falta algo material.

Den hopi cas e palabra WARDA ta hopi dificil pa pronuncia, pasobra ningun hende kier warda, pero wardamento a scapa hopi hende di problema, y hopi biaha a scapa di morto, of libra hende for di mal relacion.

Awendia tin hopi hoben cu no kier warda riba nan mayornan y hopi biaha ta biba mas halto cu e budget di nan mayornan, y mayornan ta cay den nan manipulacion y bay fia placa, y hinca nan curpa den problema pasobra nan yiu kier un cos awor y no por warda.

Mester sinja e mucha cu ora e mester di algo e bisa locual cu e tin mester y no warda na ultimo ora pa bisa su mayor cu e tin mester, pasobra no ta tur ora e mayor tin cen pa cumpre.

Y tambe mester educa muchanan cu ora tin

un necesidad den cas, e mester keda den cas y no hibe na cas di bisinja, ni tampoco comparti cu amigo of amiga di scol, pasobra despues e ta bira un redo cu por termina cu violencia.

Un mucha mester por warda riba su mayor, y no bay cana papia cu otro hende locual e tin mester, pasobra hopi lo pensa cu e mucha ta busca manera di saca for di nan, locual su mayor no por cumpra, pero tambe diabel tin hopi abusador ta cana rond, pa wak mucha den necesidad

y probecha di nan.

Pablo a bisa cu e a sinja e secreto di ta barica yen, y di pasa hamber, pasobra di berdad e ta un secreto.

Ora bo ta pasa den un Desierto, bo no ta sali for di dje cu Murmuracion, pero bo ta sali for di dje cu Alabansa.

Ora e Israelitanan tabata pasa den desierto tur e murmuradornan a muri den desierto, nan no sali, pero esnan cu tabatin fe a sali y a prospera.

Den tur situacion nos mester ta contento,

pasobra Dios ta permiti prueba pa nos crecimiento, e necesidad no ta pa semper, pero prome cu Dios bendiciona nos e ta manda prueba di fiedad pa nos.

Ora nos ta bisa cu tur cos nos por den Cristo Kende ta dunami fortaleza, no ta algo di bisa djis pa bisa, pasobra e ta contene e secreto di dominio propio cual ta un fruta di Spirito Santo.

Ta algo grandi ora nos ta proclama cu tur cos nos por den Cristo, pasobra

esey ya nifica cu nos a pasa e prueba, y nos conoce e secreto y cu nos no ta preocupa, pero ta pone tur cos den oracion y suplica cu gradicimento (Filipensenan 4:6).

Pero un gran berdad ta cu nos mester prepara nos yuinan pa tempo di escases, pa nan no perde cabes, y bende nan mes pa material, pa nan no laga hende manipula nan pasobra nan tin mester di algo, y mas cu tur cos pa nan pone Dios na prome lugar den nan bida.

### Jossy Brokke – E bos di Oro di Aruba

Aruba a perde un ser stima den e mundo di musica.

Nos ta honra e bida y legado di Jossy Brokke, un persona cu tremendo talento, humildad y amor pa su pueblo. Jossy su contribucion na cultura ta grandi. Cu su letra y melodia, el a skirbi historia. E amor pa Aruba tabata ilustra den su cancionnan.

Aruba a perde un gran artista, pero a gana un legado eterno.





# SUDOKU





SOLODIPUEBLO@GMAIL.COM

CEL. 585 9500



5		9				4		
7		8	3		4	9		
6		1				7	3	
4	6	2	5					
3	8	5	7	2	1	6	4	9
1	9	7	4		8	2		
2			1					4
		3		4			8	7
	7			5	3			6

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

	8							
				2	1	8	7	
2			3				5	9
		4			9		2	
	7		2	1	8	4		6
9					3	7		
6	9		4					
	4	8	1		7			

Cu dolor den nos Curason Nos ta Aununcia cu nos querido:  
Tata, Welo, pareha, Ex-Director di APS-Pest control service.

## Guillermo Garcia Fernandez

5 September 1952 +29 April 2025



Na number di su Pareha/Mescus cu casa: Norma Ras

Yiu nan:  
Maria Alejandra Garcia Castro y Esposo Na Spaña  
Nasya Garcia Fernandez y Pareha  
Jarlath Garcia Fernandez

Nieto (a) nan:  
Mathias  
Laurienne, Kayshaun, Lilibeth  
Jardiël

Mescos cu yiu:  
Frances Maduro y yiu nan  
Jessie Hoek-Maduro y yiu nan  
Calvin Maduro Y famia Na Merca

Unico Subrina: Yanet Freire Garcia y Edon R Fraile Montejo y Hijos na Spaña

Swa y Cuñanan  
Amigo Y Amiga nan di Cas:  
Sandra Brown,  
Iona de Windt, Rocky, Glemy, Rhounda,  
Glen Conradus

Na ex-cliente nan di APS pest control service  
Na ex-coleganan di pest control service y Dimas pest control  
Ex coleganan di Aruba Pest Services  
Y dimas bisiñanan rond di cas  
Na Dr di Cas y ta gradici Dr. Keneth Croes y Dr. Vink.  
Y ayodante: Lola Geerman un gradicimento

Demas Famia: Garcia Fernandez Na Aruba Y Spaña. Ras, Maduro, Hoek, De Windt, Conratus, Brown, Geerman, Croes, Vink,

Nos ta pidi Disculpa si nos por a lubida algun familiar of conosi.

Dia di Condolencia/ Entrerio ta Diasabra: Mei 3 2025 pa 2pm pa 4pm  
Despues Di cremacion lo ta den cena di famia

No ta bai tin bishita Na cas ni prome ni despues Di Entiero.